



**Hortulus Biblico-Moralis Et Asceticus**

**Pappus von Tratzberg, Franz**

**Ulm, 1725**

Doctrina 3. Desumpta ex cap. 4. & 5. lib. Numeri, in quibus describitur  
Ritus purgandi Altaris per cineres, pœna illorum, qui res in  
sanctuariocontentas curiosô oculô fuerint intuiti. Lex zelotipiæ, ...

---

[urn:nbn:de:hbz:466:1-61252](#)

petat ab initio: cùm nôrit à modico statim progredi posse. Flammulam petit, sat gnarus: ab hac nasci posse ingens incendium. Capillum petit, ajebat S. Franciscus, at hunc si obtinet, mox ex crine funem efficit, & nauticum quidem quô ingens oneraria navis ad litus trahitur, & alligatur. Sed absit ô Christiane, ut versutissimo nebuloni etiam crinem concedas, quem utique facile denegabis.

### Doctrina 3.

*Desumpta ex cap. 4. & 5. lib. Numeri, in quibus describitur Ritus purgandi Altaris per cineres, pœna illorum, qui res in sanctuario contentas curiosò oculò fuerint intuiti. Lex zelotipæ, Nazaraeorum consecratio.*

*Considera I.* Quid sicut quotidiana docet experientia, nos ad ex-N.147.  
 purganda à sordibus vasa cineribus uti: ita pariter Deus ad mundanda à vitiorum sordibus corda, quæ juxta alibi dicta sunt *Altaria & Vasa Dei*, voluerit cineres adhiberi citati cap. v. 13. Frequentem videlicet mortis memoriam. Atque hinc S. Mater Ecclesia fideles suos ad devotum Pascha instar Altaris mundissimi, in quo recipiatur Agnus absque macula, præparatura, cineres capitibus primò die Quadragesimæ imponit, dicens: *Memento homo, quia pulvis es, & in pulverem reverteris.* Josias ille Regum sanctissimus, Idololatriam, quæ in suam irrepererat gentem, extirpatus, per circuitum Altarium, falsis Diis sacratorum, ossa & cineres sparrit: *dispergit*, inquit S. Textus 4. Reg. 23. *cinerem eorum.* v. 13. *replevitque loca eorum ossibus mortuorum.* v. 14. Quô factum: cùm pietate & zelô Judæos celebrasse Pascha, quâ retroactis saeculis nunquam celebrasse visi sunt. Naaman Syrus regius Minister, postquam veri Dei notitiam hausit ab Eliseo, à quo fuerat à lepra liberatus, quid egit: ut in accepta Religione constans persistaret, falsis Diis nunquam imposterum sacra facturus? En! tulit partem terra illius &c. Ita se gerat quilibet Christianus, cùm transit aliquod Cœmeterium, afferat per manum memoriae bonam partem terræ illius, cogitans: parentes, amicos, socios jam in pulverem reversos, qui ibidem expectent ejus corpus, sibi pariter aliquando in hac terra sociandum: fiet inde, ut in incepta pietate & Religione constans semper sit perstiturus, vel si pietate caruerit, illam haud dubie sit brevi obtenturus. Quin imò si tam profundè in vitiorum suorum stercore sub-

Ccc 2

sub-

submersus fuerit, ut quodcunque aliud conversionis suæ respuerit remedium, adeoque ad omnes inspirationes Dei sit surdus, ad omnia sui Angeli monita insensatus, pedibus conculceret leges sacras & profanas, dorsum vertat Ecclesiæ, in qua vivit, Christiano nomini, per actus suos renuntiet, ita habituatus in peccatis, ut in publicum prodire nesciat sine scandalo, tractare negotia non valeat sine injustitia, obtutum non figere sine lascivia, non ingredi Templum sine sacrilegio, non sine intemperantia mensæ accumbere, non sine detractione loqui de aliis, non movere pedem, nisi aberret à via mandatorum Dei: ejusmodi desperato homini unicum superesse remedium mortis memoriam aperte contestantur sacræ paginæ Jobi 21. v. 32. *Ipse ad sepulchra ducetur, & in congerie mortuorum evigilabit.* Evigilabit inquam ad hanc tacitam mortis loquelandam, qui inter sonoros tot admonentium clamores altum dormiebat. Evigilabit, qui ad S. Scripturæ tonitrua, ad tragicorum exemplorum horrenda fulgura non fuerat exasperfactus. *Quis ad tot saluberrima vivi Samuelis monita, ad tot ejus terrificula menta fuerat tam intensibilis, quam Saul?* sed ut vix ab illo audiit 1. Reg. 28. *Cras tu & filii tui mecum eritis.* Ocius cecidit porreatus in terram. *Quis non dixerit: altum dormisse illam in sacris Canticis depictam animam, quæ ad tam frequentes quam molles quam duros ictus & verba non excitabatur, ut pulsanti aperiret sponso?* sed quamprimum illa reperit fores suas, Myrrha unguento inunctas, illico omnem videbatur excusisse somnum. *Myrrha autem teste S. Gregorio Nyss. in Cant. est mortis symbolum.* Adeoque illa, quæ etiam suavissimis sponsi blanditiis lapideum opposuerat cor, ad unicam mortis memoriam instar ceræ emollita est. Audiantur pulcherrima citati Doctoris verba. *Anima per mortem à morte resurgit: nam si non moriatur, semper manet mortua: at moriendo vitam consequitur, omni mortalitate deposita.* Ergo Christiane Lector morere, ut non moriaris. Ut vivas spirituali vitâ mortem subi spiritualem, habendò crebram mortis memoriam.

**N.148.** *Considera 2.* Inter Tribulationes carnis, quas conjugibus prædictit Apostolus, & de quibus alibi actum à me, non minimam esse zelotypiam, de hac Tractat. cap. 5. & asserit Hieron. contra Jovin. *Pulchritudo amat, sed facile concupiscit.* Difficile custoditur, quod plures amant, molestum est possidere, quod nemo habere dignetur. *Minori tamen miseria deformis habetur, quam formosa servatur.* Subest Mysterium in divino Praecepto latens: quod Deus cit. capite imperet: ut vir zelotypus pro uxore sua

sua oblationem facturus non triticeam, sed hordeaceam offerat farinam, nec fundat super eam oleum, neque thus. Videtur enim indicare Deus: Zelotypiam homines quasi in bruta, quorum pabulum est hordeum, transmutare. Quare ad hanc è medio tollendam permisit probationem per aquas maledictas, ne miseri conjuges ex hac cruce perpetuò pendentes, ipsi Inferno parem ducerent vitam, de qua ait Salomon Cant. 8. *Dura sicut Infernus emulatio &c.* Quot enim, & quantum contumeliae, convicia & minæ ferendæ, tum à parte zelotypa, sine causa timente, tum à servis & ancillis domesticis? non aditus & exitus tantum curiose observantur, sed in singula verba, immo in aspectus & suspiria studiose inquiritur. Voluptas omnis excluditur, angorum, molestiarum, lacrymarum, & quandoque verborum atrocium plena sunt omnia. Itaque Deus tantæ Misericordie quandoque misertus, miraculo zelotipix somitem sustulit. Lubet hujus audentium addere testimonium. à B. Petro Dami. Card. in Epist. ad Godesrid. Ducem & March. Tms. lib. 7. Epist. de Uberto March. datum, qui Guillam majoris Bonifacii March. filiam conjugali sibi copulaverat fœdere. Hic non multò post indignationem primi Ottonis Imp. incurrit, ac subinde relictâ conjugie Pannoniam profugus exulavit. In gratiam vero longò post tempore resumptus: matrem cum grandiuscula jam prole reperiens expavit. Negat proin genuisse se filium, quem conspicit: & zelotypæ actus spiritu fœtæ mulieri obscurum crimen intendit. Ac diutius ventilata, tandem concluditur: purificationis indicione objectionem spondiendam esse. Convenit ergo ex utraque parte, ut in vasta quadam domus amplissimæ area compareant Personæ quam dignitate, quam Religione multum spectabiles. Quibus nimurum in subcelliis suis undique considerantibus, puer solus in medio poneretur: et si patrem nunquam hactenus à se visum, adiens peteret, ab omni procul dubio matrem suspicione liberares. Quid plura? conveniunt Pontifices, adsunt cum Monachis & Abbatibus inferioris quoque ordinis Sacerdotes, funduntur preces. Dimissus itaque puer in medio sine pestate vel gerula incipit ire, & sedentem inter vulgus patrem, nullò subcellio distinctum præteritis omnibus signanter accedit, eique quasi notissimæ familiaritate blanditus adhæret. Tollitur ergo mirabilis hoc factus Matri confusio, & Patri filius redditus: omnibus, qui aderant, gratias Deo agentibus. At quis à Deo semper exspectet miraculum? non paucos constat, per miraculum ex mediis fluctibus emersisse. Et idem

lidè tamen ageret, qui se illis hâc spe fretus immerget. Quarè felicem te æstima Religiose vel Clerice, qui divinæ obtemperans vocationi elegisti statum, Miseriæ periculô carentem. Verùm confidenses velim: quanta sit obligatio servandæ castitatis Deo juratæ. Si enim Deus v. 3. & 4. cap. citati Personis sibi speciali votô consecratis, interdixit usum aceti & uavarum, aut quidquid tandem ex vinea esse potest. Puta: quô rigore immoderatum vini usum, qui Castimoniam venenum dicitur, tibi interdictum velit? cogita pariter: te imitari debere Nazaræos rasos, de quibus v. 9. agitur, ut videlicet cum ipsis capillis inutiles cogitationes deponas, sicque ab omni sensuali impedimento liber, quæ sursum sunt, solum sapias.

## Doctrina 4.

*Desumpta ex cap. 7. 8. & 9. lib. Numeri, in quibus describuntur oblationes 12. Principum in Dedicatione. Consecratio & requisita etas Levitarum. Lex de celebrando Phase &c.*

N.149. Considera 1. **Q**uomodo Principes & Primates Populi Hebraici pri-mô locô erga Deum sese munificos & liberales exhibeant, offerendô Dona: ut suô exemplô Plebem cogerent ad imitan-dum; nam verba Superiorum movent tantum eorum verò exempla trahunt. Sicut Helitropium ad motum Solis, ita Populus Principum factis & moribûs dirigitur: & hinc meritò Solon: Populares Principum umbras vocat; ut enim umbræ figuræ corporum, ita Illi Principum gesta sequuntur. Ascendente Jesu in naviculam Matthæo teste secuti sunt Discipuli. Noëmo imperavit Genes. 9. Deus: ingrediaris Arcam tu, & Parentem ingressum secuta est omnis familia. Illa ipsa die, quâ circumcisus est Abraham, circumcisus est Isaac & omnes viri domus ejus Genes. 17. Moyse præcincte divinas laudes, consono carmine decantabat omnis Israël Exodi 15. Illustrissimam reportavit victoriam Gedeon Judic. 7. At quæ præcipua illius causa? responderet S. Scriptura: quod me videtis facere, hoc facite &c. Lucæ 19. dicitur: Salutem domui Zachæi factam esse: cùm tamen ad sequendum Christum solus vocetur Paterfamilias Zachæus. Verùm quis nescit; sanitô capite sanitatem derivari in Membra? Theodosius Imperator: cùm in mensa frugalitati apprimè studeret, effecit: ut in omnes Nobili-